

廣東方輿紀要叙

廣東在南服最爲完固地皆沃衍耕耨以時魚鹽之饒
市舶之利資用易足也誠於無事時修完險阻積穀訓
兵有事則越橫浦以徇豫章出湟谿以問南郡東畧七
閩通揚越之舟車西極兩江用獐獍之弓矢且也放乎
南海風帆頃刻擊楫江津揚船淮渚無不可爲也豈坐
老於童山巨浸間哉或曰廣東以守則有餘以攻則不
足也昔者任囂謂尉佗曰南海僻遠東西數千里此亦
一州王也可以立國佗用其言而有國者數十年五代
時劉巖承父兄之業擅有嶺南享國者亦且四世此善

守之明驗也盧循徐道覆自嶺南圖江東而敗蕭勃自嶺南圖豫章而敗歐陽紇未越嶺南而敗王仲宣欲以嶺南復陳而敗文天祥張世傑欲以嶺南存宋而敗此議戰而不議守之過矣余曰戰與守各以其時耳當守而不知守以一隅之地而冀爭雄於天下其至於覆亡也宜也當戰而不知戰使數郡以外盡爲他人之幅員而猶冀人之不爲我患其可得乎從來有事於一方者必當審天下之大勢不審天下之勢而漫應之戰與守雖異而其至於敗亡則一也尉佗受任囂之命卽移檄告橫浦陽山湟雞關曰盜兵且至急絕道聚兵自守夫

劉項相爭中國擾亂此可戰之時也而佗乃聚兵自守
若佗新尉南海衆心未一欲先固根本而後從事於外
耳漢旣定天下急封吳芮以長沙所以塞嶺南之口也
佗遂不敢與抗及呂后亡而佗兵亦罷矣佗亦智矣
沙邊邑敗數縣而去呂后亡而佗兵亦罷矣佗亦智矣
哉夫佗固未嘗一日而忘用兵也觀其初行尉事卽擊
并桂林象郡其後地益斥東西且萬餘里使當可乘之
時其遂無意於中國哉劉巖據嶺南不能爲北出計者
以湖南扼其吭也及湖南覆敗此嶺南得志之時矣乃
僅西取昭桂北并郴連爲固圉計者劉晟非遠畧之主

也嗟夫盧循徐道覆海上逋逃耳一旦陷番禺陷始興
晉力未能討也及循犯長沙而北道覆犯南康廬陵豫
章而北順流長驅直指建康建康幾殆其終於無成者
以盧循畏憚不盡用道覆之謀耳非廣州之不足用也
唐末黃巢轉輾殘掠竄入廣南旣而北還擾荆湖禍江
淮殘汝洛陷長安陵寢陸沉乘輿播越廣南非其厲階
乎蕭勃歐陽紇本皆庸才舉措周章適以自斃王仲宣
內無根本之固外無強大之援倉卒舉事旋以潰散宋
之末造奔亡不給假息無途豈能與全盛之敵抗哉夫
時勢所在得人以乘之則起於草澤可以轉移六合也

時勢旣去則關河雖險不遑保矣何必嶺海之間能亡
人國哉且不聞陳霸先之初起乎霸先之初不過始興
相耳乘侯景之亂起兵北伐克平大憝卒成帝業惟其
時也否則牂牁灘水橫浦桂陽並會番禺而南越亡矣
拔昭賀克英韶進屯雙女山而南漢亡矣豈有力足以
定中原而獨置嶺南於度外者明初王師至東莞何真
遂以迎降也蓋嶺南當中原多故時進不能以有爲退
猶可以自立及紛紜旣定必難久存矣善乎徐道覆之
言曰本任嶺外豈欲以此傳之子孫哉夫嶺外之不可
以傳子孫也道覆且能知之也然則守誠不易言也又

吾聞嶺南之勢在於嶺北徐道覆謂盧循劉裕若自將屯豫章遣諸將率銳師過嶺恐君不能當也高駢以黃巢在廣南請遣兵于郴州守險又分兵於循潮邀遮而身帥重兵於大庾嶺趨廣州潘美伐南漢先拔郴州又拔道州蓋所以奪其上游也至於大海在南上接三江東西便利劉裕方與盧循相持於豫章潯陽間水師已自海道襲番禺傾其巢穴矣唐咸通中安南爲南詔所陷諸道兵屯聚嶺南江西湖南餽運皆泝湘江瀟水而至勞費艱阻潤州人陳磻石者請自福建運米泛海不一月至廣州軍食以足近時島倭爲患往往由浙閩海

道闌入嶺南故嶺南之海防頗密夫喜以全軍下桂陽
署長沙則當以奇兵出海道越閩浙問江淮矣或又曰
下桂陽何如出南康夫以南康較桂陽更爲艱阻出豫
章而泝江沱何如越長沙而震漢沔相峙而動固有以
矣若夫假道桂州浮湘而下又踰嶺之西道也或後或
先用奇用正時哉時哉又可得而踰度之哉

廣東方紀要序終

讀史方輿紀要卷一百

崑山顧祖禹景范輯著
南昌彭元瑞芸楣校定

廣東一

禹貢揚州徼外地三代時爲蠻彝國

或謂之雕題題額也禮王制南方曰

雕題又山海經有離耳雕題之國楚離騷有元國之南裔或曰今海南瓊州府是其地

後爲百越

地亦曰揚越

國策吳起爲楚悼王南攻揚越史記起本傳作南平百越孔氏曰越在揚州南境故

曰揚越

其在天文則牽牛婺女之分野秦并天下置南海

等郡亦謂之南越

秦本紀始皇三十三年畧取陸梁地爲南海桂林象郡以適遺戍三十四

年又謫人築南越地又設南海尉以董之所謂東南一尉也孔氏曰嶺南之人多處山陸其性強梁故曰陸梁

史記南越班固作南粵粵卽越也秦末趙佗王其地漢

讀史方輿

卷一百

廣東一

一

攷文閣

元鼎六年討平之尋置交趾刺史後漢因之

漢刺史無常治王範

交廣春秋漢初交州治羸樓元封五年移治蒼梧廣信

縣建安十五年復徙番禺沈約曰漢文趾刺史治龍編

建安八年改曰交州治廣信十六年徙治番禺三國吳

黃武五年析置廣州治番禺而交州還治龍編其後以

交州并入廣州永安七年仍置廣州治番禺廣三國吳

信今廣西蒼梧縣羸樓龍編今俱見安南境內

分交州立廣州

詳見

晉因之宋又分置越州

秦始皇七年置治臨漳

卽今廉州府

治合浦縣

齊梁因之

梁大同以後置州益多無復古制

隋亦屬揚州

部大業未屬蕭銑唐討平之貞觀初置嶺南道

治廣州開元中

日嶺南節度

咸通二年分爲嶺南東道五代時屬於南漢宋

淳化四年爲廣南路至道三年分爲廣南東路元置廣

東道及海北海南道宣慰等司

廣東道治廣州海南海北道治雷州

隸江

西行省明洪武九年改置廣東等處承宣布政使司領
府十直隸州一屬州七屬縣七十六總爲里四千二百八十八夏秋二稅大約
一百一萬七千七百七十二石有奇而諸司衛所參列其中今仍爲廣東
布政使司

廣州府 屬州一 縣十五

南海縣 附郭 番禺縣 附郭 順德縣

東莞縣 新安縣 三水縣

增城縣 龍門縣 香山縣

新會縣 新寧縣 從化縣

清遠縣

連州 領縣二

陽山縣

連山縣

肇慶府 屬州一

縣十

高安縣 附郭

高明縣

四會縣

廣寧縣

新興縣

陽春縣

陽江縣

恩平縣

德慶州 領縣二

封川縣

開建縣

直隸 羅定州 屬縣二

東安縣

西寧縣

韶州府

屬縣六

曲江縣

附郭

英德縣

樂昌縣

仁化縣

乳源縣

翁源縣

南雄府

屬縣二

保昌縣

附郭

始興縣

惠州府

屬縣十

歸善縣

附郭

博羅縣

長寧縣

永安縣

海豐縣

龍川縣

長樂縣

興寧縣

河源縣

和平縣

潮州府

屬縣十一

海陽縣

附郭

潮陽縣

揭陽縣

程鄉縣

饒平縣

惠來縣

大埔縣

平遠縣

普寧縣

澄海縣

鎮平縣

高州府

屬州一

縣五

茂名縣

附郭

電白縣

信宜縣

化州

領縣二

吳川縣

石城縣

雷州府

屬縣三

海康縣

附郭

遂溪縣

徐聞縣

廉州府

屬州一

縣二

合浦縣

附郭

欽州

領縣一

靈山縣

瓊州府

屬州三

縣十

瓊山縣

附郭

澄邁縣

臨高縣

定安縣

文昌縣

會同縣

樂會縣

儋州

領縣一

昌化縣

萬州
領縣一

陵水縣

崖州
領縣一

感恩縣

東連七閩

惠潮二府與福建之汀漳接境山谿相錯伏莽之患

常多

南濱大海

自潮州府之東南與福建之漳州海洋接自廉州府